

艱措置乏策本府勉厥心力求尺寸以圖之然登高之呼所
有望于挈裘而振領者也恭惟憲臺雲漢天章主持名教當
五百年之間氣作靈光殿之干城樞璇運心經綸在手伏懇
俯賜俞請若大成正殿彝倫宗儒文會諸堂先賢三公二祠
首需料理廊廡校舍鱗次修葺繚垣視先庖廡視後使肄業
于中者入廟思虔齋心有地庶春秋霜露不寒先聖之春風
棧樸賁鏞更暴憲臺之秋日仰慰師靈俯烝譽髦古人稱鼎
呂之輝功當不在禹下也

南康漕運詳文

爲電查逆流運解之苦俯准就便截留以甦殘黎以全國賦
事竊照江右漕糧除交兌軍船北運抵通外例有截留京口
之米以資軍需每年仰候憲撥照數運解查江西通省有漕